

الكتب القيمة المخزونة الكاملة لقومية هوي الصينية

回族典藏全書

吴海鷹 主編

甘肅文化出版社
寧夏人民出版社

083

主編
副主編

吳海鷹
吳建偉
雷興魁
雷曉靜

回族典藏全書

083

甘肅文化出版社
寧夏人民出版社

寧夏回族自治區人民政府

寧夏社會科學院

寧夏少數民族古籍整理
出版規劃領導小組辦公室

資助

主辦

編輯

第八十二冊 目錄

史綱評要(卷三十一——卷三十六) 仿古鉛印本 明·李贄 一

陳江聚書丁氏譜牒 清手抄本 清·丁姓遞修 二〇三

回族典藏全書

文獻名 史綱評要
作者 明·李贄
版本 仿古鉛印本

政史類

史綱評要

霞漪閣校訂史綱評要卷三十一

宋哲宗皇帝

元祐元年

以司馬光爲尙書左僕射。遼人聞之。敕邊吏等曰。中國相司馬矣。慎無生事開邊隙。

相得其人。陰受其益如此。

詔詳定役法。蘇軾言於光曰。差役、免役各有利害。免役之害。倍斂民財。利聚于上。而下有饑荒之患。差役之害。民常在官。不得專力于農。二害輕重。蓋略等矣。光曰。於君何如。軾曰。法相因則事易成。事有漸則民不驚。三代之法。兵農爲一。至秦始分爲二。及唐中葉。盡變府兵爲長征卒。自是。農出穀帛以養兵。兵出性命以衛農。天下便之。雖聖人復起。不能易也。今免役之法。實大類此。公欲驟罷免役而行差役。正如罷長征而復民兵。蓋未易也。光不然之。軾又陳於政事

史綱評要卷三十一 宋紀

八五五

文獻名史綱評要
作者明·李贄
版本仿古鉛印本

回族典藏全書

政史類

三

文獻名 史綱評要
作者 明·李贄
版本 仿古鉛印本

史綱評要卷三十一 宋紀

八五六

是。

堂。謂役法可僱不可差。第不當於僱役實費之外多取民錢耳。光色忿然。軾曰。昔韓魏公刺陝西義勇。公爲諫官。爭之甚力。韓公不樂。公亦不顧。豈今日作相。不許軾盡言耶。光謝之。

長公固析于利害。而司馬到底還是個賢者。

名言。

以范純仁同知樞密院事。時司馬光將盡改熙豐之法。純仁曰。去其泰甚者可也。又曰。差役當熟講緩行。不然。滋爲民病。願虛心以延衆論。不必謀自己出。謀自己出。則諂諛得乘間迎合矣。光不從。何也。時差役之復。爲期五日。同列病其太促。知開封府蔡京獨如約。悉改畿縣僱役。無一違者。眞小人。詣政事堂白光。光喜曰。使人人奉法如君。何不可之有。到此。幾與介甫無異矣。

以程頤爲崇政殿說書。頤年十八。上書仁宗。欲黜世俗以行王道。廷。治平、元豐間。大臣屢薦。不起。至是。司馬光、呂公著共疏其行義曰。儒者之高蹈。聖世之逸民。望擢不次。使士類有所矜式。故召居是職。頤上劄子言。習與智長。化與心

名言

成。今陛下春秋方富。雖睿聖得于天資。而輔養之道不可不至。大率一日之中。接賢士大夫之時多。親寺人、宮女之時少。則氣質變化。自然而成。願選名儒入侍勸講。講能留之分直。以備訪問。或有少失。隨事獻規。歲月積久。必能養成聖德。是聖人之徒。

此老具眼

王安石卒。安石性不好華腴。自奉至儉。或衣垢不浣。面垢不洗。世多稱其賢。蘇洵獨曰。是不近人情者。作辨姦論以刺之。謂王衍、盧杞合爲一人。性復強忤。遇事無可否。自信所見。執意不回。然議論奇高。能以辯博濟其說。故神宗排衆論而力倚任之。甚者謂天變不足畏。祖宗不足法。人言不足恤。以是不克令名以終。其既退後。每聞朝廷變其法。夷然不以爲意。及聞罷助役。愕然失聲曰。亦罷至此乎。良久曰。此法終不可罷。又嘗曰。新法之行。始終以爲可行者。曾子宣也。始終以爲不可行者。司馬君實也。

安石只爲自是。壞了國是。壞了心術。壞了人品。實亦是留心世務之人。但看其議助役一節。其人奸邪否耶。

文獻名史綱評要
作者明·李贊
版本仿古鉛印本

文獻名 史綱評要
作者 明·李贄
版本 仿古鉛印本

史綱評要卷三十一 宋紀

八五八

以呂公著爲尙書右僕射。詔起文彥博平章軍國重事。班宰相上。
是。

以韓維爲門下侍郎。

命程頤等修定學制。大概謂。學校。禮義相先之地。而月使之爭。殊非教養之道。
請改試爲課。更不考定高下。方。置尊賢堂。以延天下道德之士。及置待賓吏師齋。
觀光法。如是者數十條。

試而定其高下。鼓舞之也。何爭之有。所云其爭也君子。

置春秋博士。

是。

呂惠卿有罪。建州安置。蘇軾草制。極狀其奸惡。天下傳誦稱快焉。
真快。

立十科舉士法。曰師表、獻納、將帥、監司、講讀、顧問、著述、聽訟、理財、法令。務求實用。不尚虛詞。

亦好。

以鮮于侁爲京東轉運使。司馬光言于朝曰。以侁之賢。不宜使居外。顧齊、魯之區。凋弊已甚。須侁往救之。此一路之福星也。安得如侁百輩布列天下乎。

聞此。侁益感奮矣。司馬公之爲福星。更當何如。

尙書左僕射司馬光卒。時兩宮虛已聽光爲政。光亦身殉社稷。躬親庶務。不舍晝夜。病革。不復自覺。諄諄如夢中語。皆朝廷天下事。及卒。太皇太后爲之慟。卽日與帝臨其喪。京師爲之罷市。及如陝葬。送者如哭私親。都中四方皆畫像以祀。光孝友忠信。恭儉正直。自少至老。語未嘗妄。自言吾無過人者。但平生所爲。未嘗有不可對人言者耳。誠心自然。陝、洛間皆化其德。及居政府。凡王安石、呂惠卿所建新法爲民害者。剗革略盡。或曰。熙、豐舊臣多儉巧小人。他日有以父子義間上。則禍作矣。光毅然正色曰。天若祚宋。必無此事。

史綱評要卷三十一 宋紀

八五九

文獻名 史綱評要
作者 明·李贊
版本 仿古鉛印本

回族典藏全書

政史類

七

文獻名 史綱評要
作者 明·李贄
版本 仿古鉛印本

史綱評要卷三十一 宋紀

八六〇

如何便死了。○司馬公爲人只是一個誠。

以蘇軾爲翰林學士。召見便殿。太皇太后謂曰。卿今官。出先帝意。先帝每誦卿文章。必嘆曰。奇才。奇才。但未及進用卿耳。軾不覺哭失聲。要哭。太皇太后與帝亦泣。已而命坐賜茶。撤御前金蓮燭。送歸院。奇遇。

以范鎮爲門下侍郎。辭不拜。鎮學本六經。遇人必以誠慎。臨大節。決大義。色和而語壯。雖在萬乘前。無所屈。天下稱范景仁、司馬君實。不敢有所軒輊。原。軒輊不得。

以處士陳師道爲徐州教授。師道高介有節。熙寧中。王氏新義盛行。師道心非其說。絕意進取。至是以蘇軾薦。授是職。是個介者。

二年

程頤請就崇政延和殿講讀。上疏言。祖宗尊儒重道。坐講殿上。萬世帝王所當法。又言。天下重任。唯宰相與經筵。天下治亂係宰相。君德成就責經筵。名言。

程頤能。頤在經筵。每進讀。色甚莊。多用古禮。蘇軾謂不近人情。是。每加玩侮。不是。光之卒也。百官方有慶禮。事畢。欲往弔。頤不可。曰。子於是日哭。則不歌。或曰。不言歌則不哭。是。軾曰。此枉死市叔係通制此禮也。已其。頤怒。二人遂成隙。於是頤門人賈易、朱光庭等劾軾館職。策問謗訕。軾乞補郡。殿中侍御史呂陶言。臺諫當徇至公。不可假借事權以報私隙。遂不問。於是胡宗愈、孔文仲、顧臨連章力詆頤不宜在經筵。會帝患瘡疹不出。頤詣宰相云。上疾。宰相不知。可爲寒心。癡。翌日。呂公著等以頤言奏問疾。帝不悅。乃罷。出管勾西京國子監。時呂公著當國。草賢在朝。不能不以類相從。遂分洛黨、蜀黨、朔黨。而各有輔之者。是時熙、豐用事之臣退休散地。怨入骨髓。陰伺間隙。而諸賢不悟。各爲黨比。以相訾議。是寇之招也。唯呂大防秦人。戀直無黨。范祖禹師司馬光。不立黨。可笑。可恨。

史綱評要卷三十一 宋紀

八六一

文獻名史綱評要
作者明·李贊
版本仿古鉛印本

文獻名 史綱評要
作者 明·李贄
版本 仿古鉛印本

史綱評要卷三十 宋紀

八六

長公宜容正叔。正叔自不能容長公。何也。以正叔方而長公圓耳。
奈何竟爲熙、豐羣小之鷸蚌乎。可恨。可恨。

三年

以呂公著爲司空、同平章軍國事。時熙、豐用事之臣雖去。其黨猶分布中外。鴻臚丞常安民貽公著書曰。善觀天下之勢。猶良醫之去疾。方安寧無事之時。語人曰。其後將有大憂。則衆必駭笑。唯識微見幾之士能逆知之。今日天下之勢。可爲大憂。雖登進忠良。而不能搜致海內之英才。使皆萃於朝以勝小人。恐端人正士未能高枕而臥也。故去小人不難。而勝小人爲難。陳蕃、竇武協力同心。選用名賢。天下想望太平。然卒死曹節之手。遂成黨錮之禍。張柬之五王。中興唐室。自以爲慶流萬世。及武三思一得志。至于竄移淪沒。凡此者。皆前世已然之禍也。今用賢如倚孤棟。拔士如轉巨石。雖有奇特瓌卓之才。不得一行其志。甚可嘆也。猛虎負嵎。莫之敢撓。而卒爲人所勝者。人衆而虎寡也。故以十人而制一虎。則人勝。以一人而制十虎。則虎勝。奈何以數十人而制千虎乎。今怨憤已積。一發。其害必大。可不爲大憂乎。公著得書。默然。

如常君者。真識微見幾之士也。

四年。

司空、平章事呂公著卒。太皇太后痛憫久之。公著自幼以治心養性爲本。平居無疾言遽色。於聲利紛華泊然無所好。其識慮深敏。量宏而學粹。遇事苟便於國。不以利害動其心。

不薦常安民。亦此公一短。

以呂大防、范純仁爲尙書左右僕射。范祖禹爲諫議大夫兼侍講。祖禹上言。陛下今日之學與不學。繫他日之治亂。如好學。則天下君子願立於朝。以直道事陛下。輔佐德業而致太平。不學。則小人皆動其心。務爲邪諂以干富貴。又上疏論人主正心、修身之要。又言蔡京非端良之士。不宜崇長。言言有益。

光祿卿蔡確失勢怨望。嘗游車蓋亭。賦詩十章。知漢陽軍吳處厚以爲謗訕。上之。

史綱評要卷三十一 宋紀

八六三

文獻名史綱評要
作者明·李贊
版本仿古鉛印本

文獻名 史綱評要
作者 明·李贄
版本 仿古鉛印本

史綱評要卷三十一 宋紀

八六四

執政欲貶確嶺嶠。范純仁言。聖朝宜務寬厚。不可以言語文字竄誅大臣。今舉動宜爲將來法。此事甚不可開端也。乃貶確安置新州。

范公之言極是。但不合施之蔡確耳。

十月。御邇英殿。聽讀三朝寶訓。

五年

太師文彥博致仕。先是。遼使耶律永昌來聘。蘇軾館之。與永昌入覲。見彥博於殿門外。卻立改容曰。此潞公也邪。問其年。曰。何壯也。軾曰。使者見其容。未聞其語。其總理庶務。雖精練少年有不如。其貫穿古今。雖專門名家有不逮。永昌拱手曰。天下異人也。

不要看作長公粧點。亦不要看作長公不粧點。

知樞密院孫固卒。固宅心誠粹。不喜驕亢。與人居。久而益信。故更歷險夷。而不知爲人所疾害。嘗曰。人當以聖賢爲師。一節之士。不足學也。

孫君定非一節之士。

以蘇轍爲御史中丞。時熙、豐舊臣多爲飛語。以搖在位大臣。呂大防、劉摯患之。欲稍引用。以平夙怨。謂之調停。胡說。太后疑不決。轍上疏極言其非。且云。人臣被禍。蓋不足言。所惜者。祖宗朝廷也。調停之說遂已。次公大是。

六年

帝臨國子監。釋奠孔子。聽祭酒豐稷講無逸終篇。此等都少不得。

中書侍郎傅堯俞卒。司馬光嘗稱清、直、勇三德人所難兼。吾於欽之畏焉。及卒。太皇太后謂輔臣曰。傅侍郎清直一節。始終不變。金玉君子也。方倚爲相。遽至是乎。

金玉君子之稱固難。出于太皇太后之口尤難。

史綱評要卷三十一 宋紀

八六五

文獻名史綱評要
作者明·李贄
版本仿古鉛印本

回族典藏全書

政史類

一三